

Broj: 06-13-5-1302-1/21
Mostar, 14.12.2021. godine

Na osnovu člana 31. i člana 37. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 9a. stav (3) Pravilnika o metodologiji i načinu obračuna regulatornih naknada za imaoce dozvola – Pročišćeni tekst („Službene novine Federacije BiH“ broj 94/19), postupajući po službenoj dužnosti u postupku utvrđivanja iznosa regulatorne naknade za 2021. godinu za SOLATRONIC d.o.o. Sarajevo, Ul. Kolodvorska broj 12, Sarajevo, zastupanog po Šemsudinu Čengiću, zakonskom zastupniku, Regulatorna komisija za energiju u Federaciji Bosne i Hercegovine – FERK je 14.12.2021. godine na XXV redovnoj sjednici donijela sljedeće

RJEŠENJE

1. SOLATRONIC d.o.o. Sarajevo obavezan je platiti regulatornu naknadu za 2021. godinu za period važenja njegove Dozvole za rad za proizvodnju električne energije broj 06-03-676/19 u 2021. godini u iznosu od 285,21 KM.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Članom 31. Zakona o električnoj energiji u Federaciji Bosne i Hercegovine propisano je da se FERK finansira iz prihoda od regulatornih i jednokratnih naknada, koje će naplaćivati od imalaca dozvola koji se bave djelatnošću iz člana 12. navedenog zakona i prihoda od naknada za dozvole koje izdaje, uključujući i naknade troškova na osnovu arbitraže, kao i da će ove naknade biti određene tako da pokrivaju troškove FERK-a, dok se višak prihoda od navedenih regulatornih i jednokratnih naknada, kao i drugih naknada ostvarenih od poslova iz nadležnosti FERK-a, u odnosu na finansijski plan FERK-a prenosi u prihod za narednu godinu. Istim članom propisano je da Budžet FERK-a usvaja Parlament Federacije Bosne i Hercegovine.

Na osnovu navedenog, članom 9a. stav (3) Pravilnika o metodologiji i načinu obračuna regulatornih naknada za imaoce dozvola propisano je da se imaoциma dozvola za obavljanje elektroprivrednih djelatnosti i Operatoru za OIEiEK, koji ne obnove svoju dozvolu u tekućoj godini, iznos regulatorne naknade preračunava pojedinačnim rješenjem u skladu sa periodom važenja dozvole u tekućoj godini.

Prilikom donošenja ovog rješenja, FERK je imao u vidu da je Rješenjem broj 08-11-537-1/21 od 24.03.2021. godine („Službene novine Federacije BiH“ broj 26/21), kojim su utvrđeni pojedinačni iznosi godišnjih regulatornih naknada za 2021. godinu imaoциma dozvole za rad za obavljanje elektroprivrednih djelatnosti i Operatoru za OIEiEK, za SOLATRONIC d.o.o. Sarajevo,

kao postojećeg imao ca dozvole za rad za proizvodnju električne energije, u tački 184. utvrđen fiksni dio regulatorne naknade za 2021. godinu u iznosu od 300,00 KM i varijabilni dio regulatorne naknade za 2021. godinu u iznosu od 0,00 KM, odnosno ukupan iznos regulatorne naknade za 2021. godinu od 300,00 KM. SOLATRONIC d.o.o. Sarajevo je, postupajući u skladu sa FERK-ovim obavještenjem o obavezi plaćanja regulatorne naknade za prvo polugodište 2021. godine broj 21-360-000203 od 04.01.2021. godine, izvršio uplatu iznosa od 150,00 KM dana 30.03.2021. godine, te postupajući u skladu sa FERK-ovim obavještenjem o obavezi plaćanja regulatorne naknade za drugo polugodište 2021. godine broj 21-360-000573 od 23.07.2021. godine, izvršio uplatu iznosa od 150,00 KM dana 19.08.2021. godine.

Dalje, FERK je pošao od činjenice da je FERK izdao Dozvolu za rad za proizvodnju električne energije broj 06-03-676/19 za SOLATRONIC d.o.o. Sarajevo, sa periodom važenja od 24.03.2020. godine do 23.03.2030. godine. Postupajući po Zahtjevu za prenos dozvole za rad broj UP1-06-13-1-172-2/21 od 04.08.2021. godine podnosioca SOLATRONIC d.o.o. Sarajevo u postupku prenosa Dozvole za rad za proizvodnju električne energije broj 06-03-679/19 sa SOLATRONIC d.o.o. Sarajevo na TEAM:MEDIA d.o.o. iz Vogošće kao postojećeg imao ca dozvole, doneseno je Rješenje broj UP1-06-13-1-172-9/21 od 14.12.2021. godine. Ovim rješenjem je izvršena izmjena i dopuna Dozvole za rad za proizvodnju električne energije broj UP1-06-13-1-6-1/21 imao ca dozvole TEAM:MEDIA d.o.o. iz Vogošće, zbog kupoprodaje novog proizvodnog objekta solarne fotonaponske elektrane „FLASH PRODUCTION“, čime je prestao period važenja Dozvole za rad za proizvodnju električne energije broj 06-03-676/19 za SOLATRONIC d.o.o. Sarajevo.

Period važenja Dozvole za rad za proizvodnju električne energije broj 06-03-676/19 za SOLATRONIC d.o.o. Sarajevo prestalo je za vrijeme važenja rješenja iz člana 8. stav (2) Pravilnika o metodologiji i načinu obračuna regulatornih naknada za imao ce dozvola, odnosno Rješenja broj 08-11-537-1/21 od 24.03.2021. godine, kojim su utvrđeni pojedinačni iznosi godišnjih regulatornih naknada za 2021. godinu imao cima dozvole za rad za obavljanje elektroprivrednih djelatnosti i Operatoru za OIEiEK. Stoga je FERK odlučio primjenom odredbe člana 9a. stav (3) Pravilnika o metodologiji i načinu obračuna regulatornih naknada za imao ce dozvola izvršiti preračunavanje iznosa regulatorne naknade, koja je za SOLATRONIC d.o.o. Sarajevo utvrđena za 2021. godinu u Rješenju broj 08-11-537-1/21 od 24.03.2021. godine. Preračunavanje je izvršeno u skladu sa periodom važenja Dozvole za rad za proizvodnju električne energije broj 06-03-676/19 u tekućoj 2021. godini, te je utvrđena regulatorna naknada u iznosu od 285,21 KM, pa će FERK razliku u iznosu od 14,79 KM uplatiti na transakcijski račun SOLATRONIC d.o.o. Sarajevo.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja SOLATRONIC d.o.o. Sarajevo može tužbom pokrenuti upravni spor kod Kantonalnog/Zupanijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić, s.r.